

UNIVERZITET U TUZLI
Upravni odbor
Broj:04-9254-1/13
Tuzla,03.12.2013. godine

Na osnovu člana 51.stav 1. tačka h) Zakona o visokom obrazovanju („Službene novine Tuzlanskog kantona" broj: 8/08, 11/09, 12/09, 13/12) , člana 18. stav 1. tačka h) Zakona o Univerzitetu u Tuzli („Službene novine Tuzlanskog kantona" broj: 9/08, 8/10 i 7/11, člana 72. stav 1. tačka d) i i) Statuta Univerziteta u Tuzli, Upravni odbor Univerziteta u Tuzli, na sjednici održanoj 03.12.2013.godine, donio je

ODLUKU

o prihodima i rashodima trećeg ciklusa studija - doktorski studij na fakultetima Univerziteta u Tuzli za generaciju studenata upisanu akademske 2012/2013 godine

Član 1.

Ovom Odlukom utvrđuje se način plaćanja školarine, namjena i način raspodjele prihoda ostvarenih od školarina trećeg ciklusa studija kojeg organizuje Univerzitet u Tuzli (u daljem tekstu: Univerzitet) za generaciju studenata upisanu akademske 2012/2013. godine, za sticanje diplome doktora nauka iz naučnih oblasti za koje je matičan.

Član 2.

Studenti trećeg ciklusa studija u akademskoj 2012/2013.godini, plaćaju školarinu u visini utvrđenoj Odlukom Senata Univerziteta broj: 03-860-1.2/13 od od 06.02.2013. godine na koju je Vlada TK dala saglasnost Odlukom broj: 02/1-38-210-1/13 od 04.02.2013.godine.

Član 3.

Student trećeg ciklusa utvrđeni iznos školarine plaća u iznosu i po dinamici kako slijedi:

- 25 % pri upisu u I semestar,
- 20 % pri upisu u II semestar,
- 15 % pri upisu u III, IV i V semestar i
- 10 % pri upisu u VI semestar.

Dinamika plaćanja školarine iz prethodnog stava primjenjuje se na sve studijske programe i sve upisane studente bez obzira na utvrđenu visinu školarine.

Član 4.

Studenti trećeg ciklusa studija koji su po ranijim propisima, nakon završenog četverogodišnjeg dodiplomskog studija, završili dvogodišnji postdiplomski studij i time stekli zvanje magistra nauka/znanosti, te studenti farmacije i medicine koji su završili postdiplomski studij, plaćaju utvrđeni iznos školarine iz člana 2. ove Odluke umanjen za 20%.

Član 5.

Nastava na trećem ciklusu studija će se organizirati na onim studijskim programima na kojima je ekonomski opravdana, tj. u skladu sa odlukom Senata broj 03-860.1.2/13 od 06.02.2013. godine na koju je Vlada TK dala prethodnu saglasnost 02/1-38-210-1/13 od 04.02.2013. godine.

Član 6.

Sredstva uplaćena po članu 2. i članu 4. Odluke raspoređuju se na sljedeće namjene:

- 1) Univerzitetu za tekuće rashode 10%
- 2) Fond za nagrađivanje studenata i naučno usavršavanje zaposlenika 3%
- 3) Unapređenje naučno-istraživačkog rada (nabavka opreme, literature, časopisa, troškovi odlaska na naučne konferencije i sl).....2%

Preostalih 85% uplaćenih sredstava raspoređuje se kako slijedi:

- 4) Naknade nastavniciima i saradnicima koji učestvuju u realizaciji nastave,
- 5) Troškovi putovanja i smještaja, za gostujuće profesore, mentore i članove komisija, do maksimalnog iznosa utvrđenog kantonalnim propisom,
- 6) Naknada za vođenja kandidata (mentorstvo) pri izradi doktorske disertacije,
- 7) Naknade komisiji za ocjenu podobnosti teme i kandidata, komisiji za ocjenu doktorske disertacije i komisiji za odbranu doktorske disertacije,
- 8) Naknada voditelju trećeg ciklusa studija i naknade voditeljima kolegija trećeg ciklusa studija, pod uslovom da je upisan minimalni broj kandidata, utvrđen Odlukom Senata br. 03-860.1.2/13 od 06.02.2013. godine na koju je Vlada TK dala prethodnu saglasnost 02/1-38-210-1/13 od 04.02.2013. godine.
- 9) Troškovi nabavke potrošnog materijala za izvođenje nastave i istraživanja na trećem ciklusu studija.

Član 7.

Nastavniciima i saradnicima koji učestvuju u realizaciji nastave na trećem ciklusu studija pripada naknada i to:

- redovnom profesoru za svaki sat održanog predavanja do maksimalnog neto iznosa od 150 KM,
- redovnom profesoru za svaki sat održanih vježbi u iznosu od 0,3 unaprijed utvrđene neto cijene sata predavanja redovnog profesora, a u skladu sa alinejom 1 ovog člana,
- vanrednom profesoru za svaki sat održanih predavanja 0,9 unaprijed utvrđene neto cijene sata predavanja redovnog profesora, a u skladu sa alinejom 1 ovog člana,

- vanrednom profesoru za svaki sat održanih vježbi u iznosu od 0,3 unaprijed utvrđene neto cijene sata predavanja redovnog profesora, a u skladu sa alinejom 1 ovog člana,
- docentu za svaki sat održanih predavanja 0,8 unaprijed utvrđene neto cijene sata predavanja redovnog profesora, a u skladu sa alinejom 1 ovog člana,
- docentu za svaki sat održanih vježbi u iznosu od 0,3 unaprijed utvrđene neto cijene sata predavanja redovnog profesora, a u skladu sa alinejom 1 ovog člana,
- na predmetima studijskih programa gdje je broj studenata 3 i manje, nastava će se održavati konsultativno, a za svaki sat nastave predviđene studijskim programom plaćat će se 50% od utvrđene cijene sata definisane ovim članom.
- voditelju trećeg ciklusa studija u neto ekvivalentu do maksimalno 12 sati predavanja po cijeni sata redovnog profesora na trećem ciklusu odgovarajućeg programa, za generaciju studenata,
- voditelju kolegija trećeg ciklusa studija u neto ekvivalentu do maksimalno 4 sata predavanja, po cijeni sata redovnog profesora na trećem ciklusu, za generaciju studenata.

Isplata naknade nastavniciima, saradnicima i voditeljima kolegija vrši se po završetku semestra, a na osnovu dostavljenog Izvještaja o održanoj nastavi, ovjerenog od strane dekana. Isplata naknade voditelju trećeg ciklusa vrši se u tri rate, nakon svake završene godine studija.

Član 8.

Naknade za vođenja kandidata, ocjene podobnosti teme i kandidata, ocjene i odbrane doktorske disertacije raspoređuju se u bruto iznosima, kako slijedi:

- naknada mentoru za vođenja kandidata pri izradi doktorskog rada u bruto iznosu do maksimalno 2.500,00 KM po kandidatu,
- naknada komisiji za ocjenu podobnosti teme i kandidata u bruto iznosu do maksimalno 1.000,00 KM,
- naknada komisiji za ocjenu doktorske disertacije u bruto iznosu do maksimalno 1.000,00 KM, i
- naknada komisiji za odbranu doktorske disertacije u bruto iznosu do maksimalno 1.200,00 KM.

Isplata naknade mentoru vrši se nakon odbrane doktorskog rada, a komisijama nakon završenog posla.

Član 9.

Iznosi naknada iz člana 7. i člana 8. ove Odluke se utvrđuju na bazi ostvarenih prihoda od školarina na studijskom programu trećeg ciklusa, za svaki studijski program pojedinačno. Sredstva koja preostanu nakon podmirenja troškova i naknada iz člana 6., člana 7. i člana 8. ove Odluke, koristit će se za razvoj naučnoistraživačke infrastrukture i podmirenje tekućih rashoda Univerziteta, u skladu sa Finansijskim planom i Planom nabavki Univerziteta.

Član 10.

Isplata naknada za održanu nastavu vrši se po ugovoru o angažovanju u izvođenju nastave na trećem ciklusu studija.

Isplata naknade mentoru i članovima komisija vrši se po ugovoru o autorskom djelu.

Isplata naknade voditelju trećeg ciklusa i voditeljima kolegija vrši se po ugovoru o djelu.

Član 11.

Odluka stupa na snagu danom donošenja, a primjenjivat će se za generaciju studenata upisanu na treći ciklus studija u akademskoj 2012./2013. godini.

Predsjednik Upravnog odbora

Akademik, Prof.dr.sc. Enver Zerem

